

# 1 Tximòtxi-ò

## Paulo Juhuu Tyyriti Tximòtxi-ò

**1** <sup>1</sup>Jiar̃ Paulo watxiwähäre. Jesuisi Kristu deòd̃ỹna watxiwähäre. Deuxu iny tarasadumy riwateònyre, tule Jesuisi Kristu Inynyr̃ riwateònyre. Tii tahe inyaròsònareny rare. <sup>2</sup>Katyyriti adee rewahinyreri Tximòtxi. Kai inatyhymy wariòre wesemy atximyh̃te ityhyd̃ỹdu mahād̃uy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

<sup>3</sup>Jiar̃ Macedonia-ribi rareu, adee warybe rewahinyre kai Efesu hāwā-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti wixiramy ròeryd̃ỹnanyre riki. <sup>4</sup>Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyh̃kre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtid̃ỹõmy. Kia ityhyd̃ỹnadile kanakre. <sup>5</sup>Kia wiluuna tahe inywolyrahak̃wo-ribi ròhònomyh̃yre, iny raykylyrahak̃ wo-ribi, iny ityhyd̃ỹnatyhy-ribi. <sup>6</sup>Kia aõna aõna wihik̃-ribi iny rexixāwidid̃ỹnyre. Tai tahe aõmybo rarybemyh̃yre heka rieryòhyymyh̃yre. Aõtyhymy aõkò widee rarybemyh̃yreny. <sup>7</sup>Bede ywina tyyriti erysyd̃ỹdu wesekemy rexinohòtinymyh̃yre, tahe rieryòhyymyh̃yre aõmybo raremy. Aõmy riernanymyh̃yreny tahe timybo ih̃yremy rieryòlemyh̃yreny. <sup>8</sup>Katahe inyboho rieryreny. Inyò bede ywina tyyriti òbitimy rityhynykeki, Bede ywina tyyriti heka awi rare. <sup>9</sup>Inywhik̃-ò heka tiu bede ywina tyyriti riwahinyòhyymyh̃yre. Inybina binaòle iwahid̃ỹna rare, iny òrarudu-ò, iny ityhyd̃ỹdukòdu mahādu-ò, iny aleerydu-ò, iny tadi tyby-wana rirubunymyh̃yre mahādu-ò. <sup>10-11</sup>Kia iny-ò bede ywina tyyriti r̃ymyh̃yre. Ibutumy bina bina wid̃ỹdu-ò. Bede ywina tyyriti r̃ymyh̃yre ka mahādu-ò: inyd̃ỹwe mahādu dee, taòtaòta wixiramy òtadu mahādu-ò, inywasid̃ỹdu-ò, ruidu mahādu-ò. Deuxu ijy t̃myra wihik̃ dee wiòkeki, tii aõna aõna riwinykeki, tamy. Deuxu bede ywina tyyriti roimyh̃yre. Deuxu bederyd̃ỹna òbiti aõkòreki, Deuxu wiwhik̃y loosònadewimy aõkòreki kia erysyd̃ỹnadu jiar̃ rare.

<sup>12</sup>Jesuisi Kristu, iny wedu waruruixiòlòd̃ỹdu rare. Jiar̃ tamy wawimy raremyh̃. Tai tarybe-di wiòhed̃ỹdumy riwatare. Kia-ò Jesuisi Kristu heka

jiarĩ rewowydynyre. <sup>13</sup>Juhuu jiarĩ tuu rarybere. Ityhydỹydu mahādu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetðenyrenyre. Tahe ibutumy kia reerykōlemy rewinyumy raremyhỹ, retyhynyōlemy rewinyumy raremyhỹki. <sup>14</sup>Inywedu sōwemy wadee raruxetðere. Tii riwasỹny ixiluuwēhikỹkemy, rikityhynymyhỹrenykemy. <sup>15</sup>Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarĩ heka òrarudutyhy nihikỹ rare. <sup>16</sup>Iurenany tahe tii riwaruxetðenyre. Tiu heka waki rexiraōre. Tii riwateðsinyre juhū ityhydỹydu wesemy. Ityhydỹydu mahādu-ò itxerenamy, iwese tii mahādu kidityhynykemy. Tai umy tuedekōdu mahādu-ò ralōkemy. <sup>17</sup>Beàlamahābenyke Deuxu-ò. Tii heka bededỹnana tuedeōdu hukỹ lōlō rare. Tii lobixina aōkō rare. Tii sohojile rare. Beàlamahābenyke aū aū, wowydyna tamy biwahinyke. Kie.

<sup>18</sup>Ka inatyhymy rybemy adee ararybekre Tximòtxi — kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikỹke. Besuke arurutyhymy aōbo òbitimy ratximyhỹre wihikỹ-ò. <sup>19</sup>Aōhewe òhōtiwɔdynawimy mabekre. Bityhynymy mabekre. Inyō heka idi rōhōtinyrenyōra, tai reserenyra ityhydỹy-ribi. <sup>20</sup>Ijō Imineu inire, Alexỹdre ijōre. Jiarĩ rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeōtyhy.

**2** <sup>1</sup>Delemy kamy ararybeke: Àlana sōwemy idi rawahinyke, ibutumy iny-ki bexitòtenykre. <sup>2</sup>Iōlō dee, ibutumy dinodu dee tule bexitòtenykre. Tamyreny biixitòedỹnanyumy Deuxu-ò, tule Deuxumy beðbykemy, tai ibutumy iny iworana bedehesimy rỹikre. Deuxumy iny rōkōhōtinyrenykemy idi òbitimy tamy rokoirekemy. <sup>3</sup>Kia wese awire Deuxu dee. <sup>4</sup>Deuxudeewimy ibutumy iny ritakemy raerykemy tibo inatyhy raremy. <sup>5</sup>Deuxu sohojile rare iny-ki rybedu tule sohojile rare, Deuxu-ò iny mahādu tii sohojile kia riwinyre. Tii hābutyhyhikỹ rare. Tai tahe tii tiò tiò rare, Deuxu, iny mahādu-wana widee ributunykemy, Jesuisi Kristu wahe. <sup>6</sup>Jesuisi rexiwahinyre ibutumy iny òraruna òwydỹymy. Tii heka riòwinyre sohojihyylemy. Kia heka tiiehyymy deðsidỹymy rarekemy. Tiu iny mahādu rahenykemy Deuxu rexinohōtinyre. <sup>7</sup>Jiarĩ heka imynynamy riwamyre kia rybe-di arelyykemy. Tule jiarĩ rybe-di dohodỹydukemy riwamyre iny witxira bedeerydỹymy judeukōdu mahādu wahe. Kia raerykemy tibo inatyhy raremy. Kia dori inatyhy rare.

<sup>8</sup>Ibutumy dohodỹyna hetowo-ki ibutumy rexitòtenyre rexitihynymy. Ujōmomomy rōhōtinyumy aōkō. <sup>9</sup>Hāwyy uritere ixidi nohōtityhyōmy ixiaōmydỹynadỹymy urile ywilemy ixidi rōhōtinykemy. Hāwyy ityhydỹydu ixiywidỹyna tahe tyywihikỹ aōkō, iradesihodỹytyhy aōkō, deorutylududike aōkō. <sup>10</sup>Urile tahe iyrubukemy Deuxu-di rōhōtinyke tamy aōwiwihikỹ riwinykre. <sup>11</sup>Hāwyy ityhydỹydu mahādu ròeryrenykre yrubu-ki. <sup>12</sup>Jiarỹle heka hāwyy ariwahinyōtyhy hābumy hỹynakemy, hābu erydỹydukemy tule tuu areònyke aōkōre, hāwyy heka urile iyrubumy rỹike. <sup>13</sup>Adaō heka Deuxu juhule riwinyre idi Eva riwinyre. <sup>14</sup>Tule tahe

Satanasi Eva juhuu riitxenanyre, Adaõ aõkõ tai raðrarunyre. <sup>15</sup>Hãwyy uladu reakeule rexitake. Idi ròtyhydÿÿmy. Inyluumy idi rexityhynykreki.

**3** <sup>1</sup>Kia rybe inatyhy rybe rare: —Inyõ dohodÿÿdu dinodumy rarekeki. Kia heka rexiburemyhÿre aõwihikÿmy ratximyhÿre. <sup>2</sup>Tahe rybe-di dohodÿÿ aõmysÿdÿÿdumy ralòkeki, tii heka òbitimy rareke, tahãwyy sohojidile, rexityhynymy rarekemy, iny inatyhy, iny aòraru rarekemy, ernadÿÿdutyhymy rarekemy. <sup>3</sup>Tii heka iaxaxa luuõre aõbina luumy aõkõ rare tule iyrubure. Tahe tule iaõmy nohòtidu aõkõre. <sup>4</sup>Tii heka taijoimy reònymyhÿre, tariõre rierynanywihikÿmyhÿre ixirybe rityhynykemy. <sup>5</sup>Inyõ tahe tajoi reònÿòkeki, Deuxu aõmydÿÿna-di òbitimy raaõmysÿdÿÿòtyhy. <sup>6</sup>Tii ityhydÿÿdu tÿmyra aõkõmy rarekemy. Raxiwedenymy rarekeki tahe urile Satanasi alòsena-txi tii reseke. <sup>7</sup>Ihãrele tahe ityhydÿÿdu mahãdu aõkõ rare ihÿre, awimyy tuu rarybemyhÿre. Tuu heka raujõmorenyòtyhy tule tii Satanasi ireitidisi-txi reseòtyhy. <sup>8</sup>Tule dohodÿÿdu wiðhedÿÿdu mahãdu, kiawesele rarekemy. Tii tule òbitimy rarekemy irybe òkese òkese aõkõ, iaxaxaluu aõkõ rare, tule aõna aõna sõwemy nohòtidu aõkõ rare. <sup>9</sup>Iny inatyhydÿÿnareny òbitimy tuu rotohodÿÿnanymyhÿrenyke, tarayky òbiti-di. <sup>10</sup>Tule kia wesele raurihikre. Iribi òbitimy ròhònnykeki, tai dohodÿÿdu wiðhedÿÿdu mahãdu-ò ralokre. <sup>11</sup>Ihãwyy tule òbitimy rarekre. Ujõmodumy aõkõ rarekre, iyrubukemy, urileta rexityhynymy rarekemy. <sup>12</sup>Tule dohodÿÿdu wiðhedÿÿdu mahãduõ ihãwyy sohojidilemy rarekre. Tariõre, tajoi-wana reònymyhÿkre. <sup>13</sup>Kia mahãduõ Deuxu aõmysÿdÿÿna òbitimy riwinymyhÿreki, inatyhymy tii iny rityhynykre. Tai Deuxu aõmydÿÿna tii riòbitinykre ibutumy inydee.

<sup>14-15</sup>Aroramy jiarÿ wylemy arakemy watzireri. Aõkõkeki urile warybe ritina adee rewahinyreri. Kia warybe-di bierynanybenyke aõhebo ityhydÿÿdu mahãdu warybe-di rotÿÿnykemy. Ityhydÿÿdu mahãdu Deuxu ijoiõ rare. Inatyhy rybe yrubudÿÿdu rare. <sup>16</sup>Iny tyhydÿÿnareny awi tyhytyhy rare. Kia wese rare: —Jesuisi heka hãbu wese nade. Tii Deuxu Tyytyby-di òbitimy rityhynyreu, ÿjurenny tuu robirenyre. Taaõmydÿÿnanarenymy ibutu bede bedemy relyyrennyre. Sõwemy iny rityhynyrennyre. Roosere biu botorahakÿ-ò.

**4** <sup>1</sup>Deuxu Tyytyby rarybera: —Ihewoladu bededÿÿnana txuu hãbu tyytybybina rybe-ò roholakre. Tai iny tyhydÿÿnanareny ririkre. <sup>2-3</sup>Tahe ruina rybe rityhynyre, hãbu aõmy nohòti erykõ rybe-ò. Kia heka hãbu raerynadÿÿmyhÿre uritere hãwyy heriõmykremy, ijõ rÿsÿna aõtxi irÿsÿòkremy. Kia rÿsÿna iny rirÿsÿke Deuxu riwahinyre. Juhuu àlãna Deuxu-ò rawahikre. <sup>4</sup>Kia heka ibutumy Deuxu riwinyre awire. Aõ aõkõ heka awiõre. Deuxumy beòbyke, kia tahe ibutumy awike. <sup>5</sup>Ixitòedÿÿna Deuxu rybe kia ibutumy awimyy risÿnykre.

<sup>6</sup>Kai heka ityhydÿÿdu mahãdu bierynanykeki, kai heka Jesuisi Kristu aõmysÿdÿÿdu mahãduwihikÿyõ tate. Kia inytyhydÿÿnareny erydumy mabekre. <sup>7</sup>Kai ihetxiu nohòtiwidÿÿna ijyy bityhynyòtyhy. Marurunymy

mabeke Deuxu aõmysỹdỹnana-ò. <sup>8</sup>Aumyruru urihimỳmỳ idi mohõtinykre, atyytybywi-di tahe kia idi sõwemy mohõtinykre kai kabede-ki adeewikre tule tiu bede-ki awikre. <sup>9</sup>Kia rybe heka òbiti rare. Ibutumy iny rityhynyke. <sup>10</sup>Inyboho raaõmysỹdỹnnyhỹre inatyhymy. Deuxu dori iny rityhynyre. Tii ibutumy iny tarasadu ratximyhỹre, ityhydỹdudule tarasadure. <sup>11</sup>Kia warybemy biernanybenyke. <sup>12</sup>Iny aratyhynyòkeki kai matuari aõkò tateki, tai ityhydỹdudu wihikỹ mabekremy bexityhynyke. Tai tahe arybe-ò aratyhynykre aityhydỹdũna, aluuna, òbitina òraru-ki wahe. <sup>13</sup>Adehemynykre kotyre, Deuxu rybe-di mariakre dohodỹna heto-ki, idi belyykemy mabekemy tule biernanykemy. <sup>14</sup>Uritere nohõtĩ lusaõmỳ kai erydỹdudu wihikỹ tatemhỹ. Dohodỹna matuari mahãdu debòtidina-di arateðnyrenyreu, wahisidỹna weseò tetate rybe-di tỹnydỹna òraru-ki. <sup>15</sup>Kia aõmydỹnanamy mohõtinywityhymyhỹ. Ixidile bexiywinytyhymyhỹke bede erydỹnana-di tule bexiywinytyhymyhỹke. <sup>16</sup>Tai kai òraru-ribi bexitake tule aijohonana-di òraru-ribi bitakre.

**5** <sup>1</sup>Matuari ityhydỹdudu mahãdu-ò ywimỳ aõki tamỳ marybemyhỹke, bowese idi atximahãke Weryrybò mahãdu, aseriòre wesemy bitohodỹnyke. <sup>2</sup>Senadu mahãdu adi wesele biernanykre. Ijadõma mahãdu aseriòre wesere ibutumy òbitilemy biywinykre. <sup>3</sup>Inatyhytyhy wytese mahãdu kai bityhynykre iõsỹnỹ biywinykre. <sup>4</sup>Iriòredikeki, iriòkòredikeki, juhuu iriòre biernanyke imahãdudule òbitimỳ biwiòhenanyke idi watxireri. Kia dori Deuxu dee awire. <sup>5</sup>Wytese mahãdu ixisohojilemy rasỹnnyhỹre iriòrekòkeki, Deuxu-ribi aõna aõna riraõmyhỹre. Deuxu dee sõwemy rexitòenymyhỹkemy. <sup>6</sup>Kia tahe wyteseò òraruna luukeki kia tahe irulemy ratximyhỹre hãre rubu rare. <sup>7</sup>Tximòtxi, kia bede ywina tahe rewahinyreri urile wytese mahãdu òwe òweõmykremy bibedeernanykre. <sup>8</sup>Inyò juhuu tasỹreny dee idi aõna aõna tajjoi dee kanawyòkeki, tii ityhydỹdudukòdu mahãdu ratyre rabinare. Tii ityhydỹdudu mahãdu wese aõkò dotỹnnyhỹde. <sup>9</sup>Wytese tỹmyrani tyriti-ki iritidỹdũmykre 60 ibeðraòkeki. Tule tii sohojilhyyle roire hãbumy. <sup>10</sup>Tule tii aõna aõna wihikỹ riwinyhỹre, tariòre ritybienyke, taroraludu-ò awimỳ raremyhỹ, ityhydỹdudu mahãduwa risuhòmỳ raremyhỹ, aõhòkỹtytyhymy rotỹnny rare mahãdu riwiòhenanymy raremyhỹ. Aõu aõu heka iny witxira riwiòhenanymy raremyhỹ taworana bedehesi-di. <sup>11</sup>Wytese tỹmyrani heka tyriti-ki iritidỹdũmykre. Hãbumy herimỳ ròhõtinyhỹre wana, tai Kristu-ribi tòhõtĩ rosamyhỹre. <sup>12</sup>Tarybe ywidỹna riywinyòlemyhỹre, tai iurenana tahe tuudỹdudumy Deuxu-ò ratximyhỹre. <sup>13</sup>Hetomy rawerywerynymyhỹre kia urenana urile raujòmomyhỹre aõna aõnalemy. Aõ heka riwinyòlemyhỹre. Kia ratyre bina tahe tuu rybenanamy aõkò rybebinamy rarybemyhỹre. <sup>14</sup>Kia heka wadee awire wytese tỹmyra hãbumy roikre, rariòrenyke, tule taheto riywinykemy. Kia wese iòludu inydeereny aõna aõnabinamy rarybeòhỹkỹkre. <sup>15</sup>Wyteseò dori Satanasi hemy roire. <sup>16</sup>Wyteseò ityhydỹdudusỹ-ki rarekeki, tii heka riwiòhenadỹ rỹikre. Kiawese dohodỹdudu mahãdu nieru tamỳ ritakre. Kia nieru rayrubunykre. Tahe rawahikre ixisohojile ratximyhỹre-ò.

<sup>17</sup>Matuari ityhydÿÿdu mahādu iny rityhytyhynkre. Dohodÿÿna mahādu aōmydÿÿnana òbitimy retehemy ratximyhÿkeki, ratyhytyhynkre. Inatyhytyhywityhymy kowa òbitimy relymyhÿre tule rybe wihikÿ riernanymahāre kia heka raðwywikre. <sup>18</sup>Tai tahe raritidÿÿmy roimyhÿre: —Broreni maixōmotyre iwysydÿÿmy rariamhÿu, iry ratðbònyòtyhy ibyre lau. Tule ròritidÿÿmy roimyhÿre:

—Mobo raaōmysÿdÿÿmyhÿre, tii heka iny riòwynymhÿre.

<sup>19</sup>Matuari mahāduò iny tuu rajōmokeki, tuu arityhynyòtyhyke. Tuu lobixidu inatxi ada inataōkekile, aratyhydÿÿkre. <sup>20</sup>Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijō iny ruberumy rÿimyhÿkremy. <sup>21</sup>Adee ararybekre. Deuxu, ÿjuren, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rōhòtinyòtyhy. Tiiemy wiwese weselekemy rÿikemy. <sup>22</sup>Uritere rybe-di tÿnydÿÿdu tÿmyra juhu biurihike idi tahe debòtidina-di biteònyke rybe tÿnydÿÿmy. Kawese aōkōkeki heka hābu òrarunamy tuudÿÿdukremy òsana mabekre. Aōmydÿÿnana tiiemy òbitimy biywinyhÿ.

<sup>23</sup>Bee sohojilemy aōkō biōkre urihimyòmy vÿmy biōkre. Kai dori awo ibinareriki tiemy tuu abinareri. <sup>24</sup>Ijō òraru aōwesele iny kanatÿnykre, bedeluura aōwesele kòdòhònykre. Ijō òraru taheka idile kanatÿnykre.

<sup>25</sup>Ruxetòenawihikÿ iwesele rare. Ele tii raeryòtyhy idi tahe iny rierymyhÿre.

**6** <sup>1</sup>Ibutumy wetxuò tawedu rityhynkre. Tawedu rityhynyòkeki heka Deuxu nibinarybemy iny rarybekre. Tule ityhydÿÿdu eryna binamy rarybekre. <sup>2</sup>Weduò ityhydÿÿdukeki, kia heka ire ratyhydÿÿmyhÿke tule aōnityhymy tamy aōmysÿdÿÿkre. Tii dori ityhydÿÿdu seriðre wese rare. Kia dori taaōmysÿdÿÿnyteri ityhydÿÿdu widee. Kaiboho ixideerenyle wiluukemy. Kia tule bierydÿÿnykre.

<sup>3</sup>Inyò erydÿÿna wixira ròerynanykeki kia òbitimy aōkō Jesuisi Kristu Rybewihikÿ wese aōkō ratxikeki, <sup>4</sup>kia hābu ixiwede rare, aō rieryòlere. Kia hābu urile dÿÿraxidÿÿ luure. Kia dÿÿraxidÿÿ-ribi ibutumy rybe jei jei ròhònymhÿre. Iribi tahe tule rexinaanymhÿre, rajōmomymhÿre, rexiwodohonanymhÿre. <sup>5</sup>Raruimyhÿre. Kia ibutumy rotÿÿnyrerí, hābu tòhòtina òweðwere. Inatyhyna-ribi kia hābu tòhòti rosare. Ityhydÿÿdureki tii ròtakemy ixidi ratximyhÿre. Kiamy heka rōhòtinymyhÿre. <sup>6</sup>Inatyhymy ibutumy heka tai iny aòtyhydÿÿdu-ki taaò-di teysakreki. <sup>7</sup>Aò kabede-ò iny ixihemy diwyòhydenyde inatyhymy heka rukururenykre tule aò ixihemy kabede-ribi rikiwyòtyhyrenykre. <sup>8</sup>Iny tydirenykeki, iny rÿsÿnadirenykeki, urile reysarenkyre. <sup>9</sup>Tahe inyò ityhymy ixidikeki, tii òraruna-txi resekre. Kia heka iny rexiburemy, rexibinanymhÿre, tule rexiraykyitxÿtenymhÿre. <sup>10</sup>Inyò nieru luukeki, tii aò òta òta òraruna-txi resekre. Kia-di heka iny sòwemy ityhydÿÿdu mahādu-ribi ròhònyra aòhòkÿmy rotÿÿnyrenyke.

<sup>11</sup>Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohòtiòmy tahe awimy mabekremy mohòtinykre. Deuxu wiwese, ityhydÿÿdutyhy

wese, Deuxuluu wesemy. Tiiemy heka òbitimy atximahāke, ywimy ainytyhymy atximahāke. <sup>12</sup>Aõu aõu òbitimy atximyh̄kemy marurunyke, umy tuedekõnahak̄y bitakemy, kai tule inatyhy rybemy tarybete inysõweco-ò, Deuxu dori adee rarybere juhū. <sup>13</sup>Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. <sup>14</sup>Kaheka warybe rare: Kai heka bede ywina bityhynyke aõ bede ywina tyyriti òraru-ki aõhe bot̄ȳnyõtyhy. Biraòke Inywedū Jesuisi Kristu dehemyynna txuu. <sup>15</sup>Tiutxukremybo Deuxule kedexitȳnynykre, tii deysana wedu rare. Tii sohojile heka Iòlõmy rare. Ibutumy Iòlõwedū rare. Ibutu wedu wedumy rare. <sup>16</sup>Tii sohojile heka tiu ruruõhy rarekre. Tii irehetyhymy loosõnawo-ki ras̄ynymyh̄re. Tiimy heka inyõ tuu robiõtyhyre. Inyõ tiu iòhõmy tamy rehemynyõtyhy. Tamy rikiwodeysanyrenyke. Tiòhe aõu aõu taruru-di ratximyh̄.

<sup>17</sup>Kai marybekre iaõdi mahādu-ò uritere ta aõna aõna-di rexiwowydynyõtyhy, iaõna aõna dori r̄yiohykre. Tahe Deuxule rityhynykre. Tii dori ibutumy aõna aõna wihik̄y inydeereny riwahinyre. <sup>18</sup>Tii aõna aõna wihik̄y inydeereny riwahinymyh̄re. Iaõdi mahādu uritere aõwihik̄y-di ijõ-ò rawiòhed̄ȳnykre. Aõu aõu ròwirareamyh̄ke iny-ò. <sup>19</sup>Kia wese tiiboho ributunynyrenyke. Aõna aõna wihik̄y biu-ki awimy idi rarekre. Tule umytuedekõnahak̄y tiiboho ritarenkyre.

<sup>20</sup>Kai Tximòtxi, aõbo adee rawahid̄ȳre, kia biyrubunykre. Rybe òwe òwe-ribi irehemy mabekre. Aõbo heka raninireri bedeeryd̄ȳ kia heka inatyhy aõkõ rare. <sup>21</sup>Inyõ kia aõ erydumy ixi-di nohõti-ki, rexitara ityhyd̄ȳdu mahādu-ribi. Deuxu deysanamy adee ratximyh̄kemy idi watxireri.